

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), člana 51. stav (1) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25) i Programa utroška namjenskih sredstava ostvarenih po osnovu posebne naknade za zaštitu od prirodnih i drugih nesreća za 2025. godinu Kantonalne uprave civilne zaštite - Izvor 30, broj: 02-11-19692/25 od 31.10.2025. godine, na prijedlog Kantonalne uprave civilne zaštite, Vlada Zeničko-dobojskog kantona, na 104. sjednici, održanoj 07.11.2025. godine,
d o n o s i

ODLUKU

o dodjeli jednokratne novčane pomoći za hitne mjere prevencije čišćenja rijeke Stavnje i njenih pritoka Općini Vareš

Član 1.

(Predmet)

Odobravaju se sredstva Općini Vareš u iznosu od 30.000,00 KM (slovima: tridesethiljada konvertibilnih maraka) na ime jednokratne novčane pomoći za hitne mjere prevencije čišćenja rijeke Stavnje i njenih pritoka.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 12/25), sa razdjela 14 – Kantonalna uprava civilne zaštite, budžetska organizacija 01, potrošačka jedinica 0001, ekonomski kod 615100 – kapitalni transferi drugim nivoima vlasti, funkcionalna klasifikacija 320, Izvor – 30.

Član 3.

(Uplata sredstava)

Sredstva iz člana 1. ove odluke uplatit će se na depozitni račun Općine, a koristit će se za namjene utvrđene u članu 1. ove odluke.

Član 4.

(Provođenje Odluke)

Za realizaciju ove odluke zadužuje se Kantonalna uprava civilne zaštite i Ministarstvo finansija, svako u okviru svoje nadležnosti.

Član 5.

(Izvještavanje)

Zadužuje se Općina Vareš da izvještaj o utrošku odobrenih sredstava iz člana 1. ove odluke dostavi u roku od 150 dana Kantonalnoj upravi civilne zaštite od dana doznačavanja sredstava na račun Općine.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-20159/25

Datum, 07.11.2025. godine
Zenica

PREMIJER

Nezir Pivić

DOSTAVLJENO:

1x Kantonalna uprava civilne zaštite,
1x Ministarstvo finansija,
1x Općina Vareš, putem Kantonalne uprave civilne zaštite,
1x „Službene novine Zeničko-dobojskog kantona“,
1x a/a.